

ახმეტის მუნიციპალიტეტის საკრებულოს

ბიუროს სხდომა

ოქმი №6

ქ. ახმეტა

27 მაისი, 2021 წელი

თავმჯდომარეობდა:

თამარ ყეინიშვილი - ახმეტის მუნიციპალიტეტის
საკრებულოს თავმჯდომარე

ბიუროს სხდომას ესწრებოდა:

რ.ბალაკაშვილი, ბ.ჭიჭილიშვილი, ლ.ითიურიძე
ა.ბუღრიძე, გ.ხადიშვილი, დ.იმერლიშვილი
ნ.ალავიძე, ა.შათირიშვილი,

სხდომა გაიხსნა 11⁰⁰ საათზე.

სხდომის თავმჯდომარე თ.ყეინიშვილმა გახსნა სხდომა და ბიუროს წევრებს გააცნო დღის წესრიგი.

დღის წესრიგი:

1. ახმეტის მუნიციპალიტეტის ტერიტორიაზე ვიდეოფირზე ან/და ფოტოფირზე დაფიქსირებული ადმინისტრაციული სამართალდარღვევის ფაქტზე გამოწერილი საჯარიმო ქვითრის საჯაროდ გამოქვეყნების წესის დამტკიცების შესახებ;

/მომხსენებელი - ილია გუმაშვილი/

2. „საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან დასაფინანსებელი ადგილობრივი თვითმმართველობის პროექტების თაობაზე“ ახმეტის მუნიციპალიტეტის მერის მიერ წარმოდგენილი საპროექტო წინადადების მოწონების შესახებ;

/მომხსენებელი - ვანო ნასყიდაშვილი/

3. ახმეტის მუნიციპალიტეტის საკუთრებაში რეგისტრირებული, სოფ. ზ. ალვანში მდებარე, მერის წარმომადგენლის ადმინისტრაციული შენობის II სართულზე არსებული 61.93 კვ.მ ფართის ა(ა)იპ „თუშეთის სათემო საბჭო“- სთვის პირდაპირი განკარგვის წესით, პირობიანი იჯარის ფორმით გადაცემის თაობაზე თანხმობის მიცემისა და ქირის წლიური საფასურის ოდენობის დამტკიცების შესახებ;

/მომხსენებელი - თინათინ კუდიანაშვილი/

4. არასამეწარმეო (არაკომერციული) იურიდიული პირის „ახმეტის მუნიციპალიტეტის კეთილმოწყობის და გარე განათების სამსახურის“ რეორგანიზაციაზე თანხმობის მიცემის შესახებ

/მომხსენებელი - თინათინ შათირიშვილი/

5. ქ.ახმეტაში, ვაჟა-ფშაველას ქუჩაზე ავტოსატრანსპორტო საშუალებების (ტაქსების) დგომისთვის ადგილის გამოყოფის შესახებ.

სხდომის თავმჯდომარემ კენჭისყრაზე დააყენა დღის წესრიგი, რასაც ერთხმად დაუჭირეს მხარი.

მოისმინეს: ახმეტის მუნიციპალიტეტის ტერიტორიაზე ვიდეოფირზე ან/და ფოტოფირზე დაფიქსირებული ადმინისტრაციული სამართალდარღვევის ფაქტზე გამოწერილი საჯარიმო ქვითრის საჯაროდ გამოქვეყნების წესის დამტკიცების შესახებ;

მომხსენებელმა გააცნო საკითხი ბიუროს დამსწრე წევრებს: ნორმატიული აქტის პროექტის მიზანია ახმეტის მუნიციპალიტეტის ტერიტორიაზე ვიდეოფირზე ან/და ფოტოფირზე დაფიქსირებული ადმინისტრაციული სამართალდარღვევის ფაქტზე გამოწერილი საჯარიმო ქვითრის საჯაროდ გამოქვეყნების წესის დამტკიცება.

პროექტი შედგება დანართისაგან, რომელიც მოიცავს 7 მუხლს, სადაც საუბარია პირისთვის საჯარიმო ქვითრის ჩაბარებაზე, ხოლო ჩაუბარებლობის შემთხვევაში გამოქვეყნებაზე. პროექტის მიხედვით მერიის შესაბამისი სტრუქტურული ერთეული პირს საჯარიმო ქვითარს ქვითარი რეგისტრაციის ადგილის მიხედვით. თუ პირს საჯარიმო ფოსტაში და დაბრუნებიდან არაუგვიანეს მე-60 დღისა, აღნიშნულ პირს ეგზავნება განმეორებით, იმავე მისამართზე. საჯარიმო ქვითრის განმეორებით ჩაუბარებლობის შემთხვევაში სტრუქტურული ერთეული ვალდებულია საჯარიმო ქვითარი გამოაქვეყნოს

საჯაროდ ოფიციალურ ვებგვერდზე www.akhmeta.gov.ge . საჯარიმო ქვითარი პირისათვის ჩაბარებულად მიიჩნევა ვებგვერდზე გამოქვეყნებიდან 30-ე დღეს. ადმინისტრაციული სამართალდამრღვევის მიერ ჯარიმის გადახდის შემთხვევაში საჯარიმო ქვითარი (მონაცემები) ოფიციალური ვებგვერდიდან შესაბამისი სტრუქტურული ერთეულის მიერ იშლება ჯარიმის გადახდის დადასტურებისთანავე.

ბიურომ იმსჯელა: დაზუსტდეს ვებგვერდზე საჯარიმო ქვითრის გამოქვეყნების წესი, აგრეთვე, დაცული იყოს პირის პერსონალური მონაცემები.

სხდომის თავმჯდომარემ კენჭი უყარა საკითხის საკრებულოს სხდომაზე გატანას, რასაც ერთხმად დაუჭირეს მხარი.

მოისმინეს: „საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან დასაფინანსებელი ადგილობრივი თვითმმართველობის პროექტების თაობაზე“ ახმეტის მუნიციპალიტეტის მერის მიერ წარმოდგენილი საპროექტო წინადადების მოწონების შესახებ;

მომხსენებელმა დამსწრე წევრებს გააცნო მუნიციპალიტეტში განსახორციელებელი პროექტების შესახებ. მოხდა გრაფებში ჩანაწერების ჩასწორება: ქ. ახმეტაში სტიქიის შედეგად დაზიანებული მრავალბინანი საცხოვრებელი სახლების სახურავების რეაბილიტაცია (9 ერთული)-ის ნაცვლად ჩაიწერა მრავალბინანი საცხოვრებელი სახლების სახურავების რეაბილიტაცია (9 ერთული); ქ. ახმეტაში ლეონიძის | შესახვევის რეაბილიტაცია შეიცვალა - ქ. ახმეტაში ლეონიძის | შესახვევში საკანალიზაციო კოლექტორის მოწყობით; მე-6 გრაფაში სოფელ იმერლიანთ უბანში მისასვლელი გზის რეაბილიტაციის ნაცვლად ჩაიწერა - სოფელ ხორხელში (იმერლიანთ უბანი) მისასვლელი გზის რეაბილიტაცია.

სხდომის თავმჯდომარემ კენჭი უყარა საკითხის საკრებულოს სხდომაზე გატანას, რასაც ერთხმად დაუჭირეს მხარი.

მოისმინეს: ახმეტის მუნიციპალიტეტის საკუთრებაში რეგისტრირებული, სოფ. ზ. ალვანში მდებარე, მერის წარმომადგენლის ადმინისტრაციული შენობის II სართულზე არსებული 61.93 კვ.მ ფართის ა(ა)იპ „თუშეთის სათემო საბჭო“- სთვის პირდაპირი განკარგვის წესით, პირობიანი იჯარის ფორმით გადაცემის თაობაზე თანხმობის მიცემისა და ქირის წლიური საფასურის ოდენობის დამტკიცების შესახებ;

მომხსენებელმა განმარტა საკითხი: მიეცეს თანხმობა ახმეტის მუნიციპალიტეტის მერიას, განსახორციელოს პირდაპირი განკარგვის წესით, სოფ. ზ. ალვანში მდებარე, მერის წარმომადგენლის ადმინისტრაციული შენობის II-სართულზე არსებული 61.93 კვ.მ ფართის

ა(ა)იპ „თუშების სათემო საბჭო“-ს თვის პირობიანი იჯარის ფორმით გადაცემა, საკადასტრო კოდი: 50.01.35.078

1. დამტკიცდეს პირდაპირი განკარგვის წესით პირობიანი იჯარის ფორმით გასაცემი, სოფ. ზ. ალვანში მდებარე მერის წარმომადგენლის ადმინისტრაციული შენობის II-სართულზე არსებული 61.93კვ.მ ფართის:
 - ა) სარგებლობის უფლებით გაცემის წლიური ქირის საფასური 715.0 (შვიდას ხუთმეტი) ლარის ოდენობით.
 - ბ) სარგებლობის უფლებით გადაცემის ვადა 10 წელი.
 - გ) სარგებლობის უფლებით გადაცემის პირობები შემდეგი სახით:
 - ობიექტი გამოყენებულ იქნას პირდაპირი დანიშნულებით ზემო აღვნის სათემო სივრცის მოწყობისთვის.
 - საიჯარო ფართს ჩაუტარდეს კაპიტალური რემონტი ხელშეკრულების გაფორმებიდან არაუმეტეს ორი თვისა.
2. მაღადაკარგულად გამოცხადდეს ახმეტის მუნიციპალიტეტის საკრებულოს 2020 წლის 02 დეკემბრის N43 განკარგულება-„ახმეტის მუნიციპალიტეტის საკუთრებაში რეგისტრირებული, სოფ. ზ. ალვანში მდებარე, მერის წარმომადგენლის ადმინისტრაციული შენობის II-სართულზე არსებული 61.93კვ.მ საიჯარო ფართის ელექტრონული აუქციონის წესით, იჯარის ფორმით განკარგვისას, საიჯარო ქირის საწყისი წლიური საფასურის ოდენობის დამტკიცების შესახებ.

ბიურომ იმსჯელა და დღევანდელი ვითარებიდან გამომდინარე, მიზანშეწონილად მიიჩნია რემონტის ვადა განისაზღვროს ოთხი თვით.

სხდომის თავმჯდომარეობის კუნძული უყარა საკითხის საკრებულოს სხდომაზე გატანას, რასაც ერთხმად დაუჭირეს მხარი.

მოისმინეს: არასამეწარმეო (არაკომერციული) იურიდიული პირის „ახმეტის მუნიციპალიტეტის კეთილმოწყობის და გარე განათების სამსახურის“ რეორგანიზაციაზე თანხმობის მიცემის შესახებ.

მომხსენებელმა გააცნო საკითხი ბიუროს წევრებს:

1. მიეცეს თანხმობა ახმეტის მუნიციპალიტეტის მერს:
 - 1.1 .არასამეწარმეო (არაკომერციული) იურიდიული პირის „ახმეტის მუნიციპალიტეტის კეთილმოწყობის და გარე განათების სამსახურის“ რეორგანიზაციის თაობაზე;
 - 1.2 განხორციელდეს .არასამეწარმეო (არაკომერციული) იურიდიული პირის „ახმეტის მუნიციპალიტეტის კეთილმოწყობისა და გარე განათების სამსახურის“ რეგისტრირებულ მონაცემებში სახელის ცვლილება და სახელწოდებად განისაზღვროს ააიპ „ახმეტის მუნიციპალიტეტის კეთილმოწყობის სამსახური“;

1.3. რეორგანიზაციის/გამოყოფის შედეგად შეიქმნას ახალი იურიდიულ პირი ააიპ „ახმეტის მუნიციპალიტეტის გარე განათების სამსახური“.

მომხსენებელმა აღნიშნა, რომ არ ხდება შტატების დამატება და ხარჯების ზრდა. გარე განათება თავისი საშტატო ერთეულით გადავა ცალკე.

სხდომის თავმჯდომარემ კენჭი უყარა საკითხის საკრებულოს სხდომაზე გატანას, რასაც ერთხმად დაუჭირეს მხარი.

მოისმინეს: ქ.ახმეტაში, ვაჟა-ფშაველას ქუჩაზე ავტოსატრანსპორტო საშუალებების (ტაქსების) დგომისთვის ადგილის გამოყოფის შესახებ.

მომხსენებელმა გააცნო საკითხი ბიუროს წევრებს. წარმოადგინა ნახაზი.

სხდომის თავმჯდომარემ აღნიშნა, რომ ქუჩა არის ისედაც გადატვირთული და იქ ტაქსის სადგომის მოწყობა უფრო მეტად გადატვირთავს გზას და გამოიწვევს მოსახლეობის, მოვაჭრეების და პირადი ავტომობილების მფლობელების უკმაყოფილებას. შემოიტანა ინიციატივა: იმსჯელონ, იქნებ მოხდეს სხვა ადგილის შერჩევა და მოხდეს საკითხის უკეთ შესწავლა.

სხდომის თავმჯდომარემ კენჭი უყარა საკითხის საკრებულოს სხდომაზე გატანას

6 - მომხრე;

3 - წინააღმდეგი;

სხვა კითხვები და შენიშვნები არ ყოფილა.

ბიუროს სხდომა დაიხურა 12³⁰ საათზე.

საკრებულოს თავმჯდომარე:  თამარ ყეინიშვილი